

Figl d'infurmaziun pert. la dumonda da lubientscha per en menaschi d'ustareia

Activitads d'ustareia oblieidas d'aveir ena lubientscha

Menaschis tgi produtgeschan, elaboreschan, tractan, magazineschan u vendan tranter oter victualias da derivanza d'animals sottastattan ad en'obligaziun da lubientscha tenor art. 21 dall'ordinaziun davart victualias ed objects d'adiever (OVic). La dumonda per survagneir ena lubientscha da menaschi stò neir inoltrada per regla en meis avant l'avertura digl menaschi. Igls menaschis ston elaborar en concept d'autocontrolla (concept da higiena) e neir annunztgias agl Uffezi cantunal per la sierrezza da victualias e per la sanadad d'animals.

Procedura

La lubientscha sa referescha ad en menaschi u en'occurrenza defineida e vign concedeida ad ena persunga abla d'ager tgi è responsabla per igl menaschi u l'occurrenza e garantescha en manaschamaint pulizial irreproschabel e correct. Èn adampleidas tot las cundiziuns, alloura vign tarmessa la lubientscha per posta siva dall'approvaziun.

Ranviament: La vendita da bavrondas destilladas è lubeida angal cun ena lubientscha cantunala. Chella è da neir dumandada agl Uffezi per la sierrezza da victualias e per la sanadad d'animals a Coira. Lubientschas cantunalas per la vendita da bavrondas destilladas sa basan adegna ad ena lubientscha communal da manar en'ustareia occasiunala.

Inoltraziun

La dumonda per survagneir ena lubientscha tenor art. 3 alinea 1 dalla lescha d'ustareias è d'inoltrar all'administraziun communal aglmanc en meis avant tgi en menaschi vign avert u surpiglia.

Premissa per survagneir ena lubientscha

Per pudeir manar en menaschi stò la persunga responsabla agiuntar en extract digl register penal actual ed en attest tgi ella vegia betg cunterfatg igls davos tschintg onns repeteidamaintg u a moda gravanta alla legislaziun da victualas federala u cantunala.

Resalvas spezialas

Scumandada è tranter oter la vendita

- da bavrondas alcoholicas alla giuventetna sot 16 onns ed a sturns;
- da bavrondas destilladas u da bavrondas masdadas a basa da bavrondas destilladas alla giuventetna sot 18 onns;
- da bavrondas alcoholicas antras automats tgi èn accessibels publicamaintg;